



Benepisyo para sa Ngipin sa Canada

Factsheet

Ang pagkabulok ng ngipin ang pinakakaraniwan, pero maiiwasan, na chronic na sakit sa pagkabata sa Canada at sa buong mundo. Madalas na nagsisimula ang mga sakit sa bibig habang nasa preschool kaya napakahalagang magkaroon ng magagandang kaugalian sa oral hygiene habang bata pa.

Ipinatupad ng Pamahalaan ng Canada ang **Benepisyo para sa Ngipin sa Canada**, na idinisenyo para magbigay ng kaunting suportang pinansyal para matulungan ang mga pamilyang taga-Canada na magkaroon ng access sa pangangalaga sa ngipin. Sa tulong ng benepisyong ito, masisimulang tugunan ng mga pamilya ang ilan sa mga pangunahing pangangalaga sa ngipin na kailangan ng kanilang maliliit pang anak habang patuloy na nagsisikap ang Pamahalaan na bumuo ng pangmatagalang programa ng Canada para sa pangangalaga sa ngipin.

? ANO ang benepisyo?

Ang Benepisyo para sa Ngipin sa Canada ay nagbibigay ng mga bayad **na nagkakahalaga ng hanggang \$650** kada kwalipikadong anak na wala pang 12 taong gulang. Maaari kang mag-apply para sa isang maximum na 2 na bayad kada anak.

\$650

kung ang in-adjust na net na kita ng pamilya ay mas mababa sa \$70,000

\$390

kung ang in-adjust na net na kita ng pamilya ay mula \$70,000 hanggang \$79,999

\$260

kung ang in-adjust na net na kita ng pamilya ay mula \$80,000 hanggang \$89,999

Ang benepisyo ay puwedeng gamitin para sa anumang pangangalaga sa ngipin na ibinigay ng sinumang pinapangasiwaang dental professional.



SINO ang makakapag-apply?

Mga Magulang/Tagapag-alaga na:

- ✓ May anak na wala pang 12 taong gulang, na walang access sa pribadong insurance para sa pangangalaga sa ngipin.
- ✓ May in-adjust na net na kita ng pamilya na mas mababa sa \$90,000 kada taon.
- ✓ Nag-file ng income tax return para sa nakalipas na taon—para sa iba pang impormasyon tungkol sa kung paano mag-file ng return, pumunta sa Canada.ca/doing-your-taxes.
- ✓ Natatanggap ang Benepisyo para sa Bata sa Canada para sa bawat kwalipikadong anak.
- ✓ Mayroon o magkakaroon ng mga gastusin sa pangangalaga sa ngipin na babayaran mula sa sariling bulsa para sa bawat kwalipikadong anak na hindi pa ganap na nare-reimburse sa ilalim ng ibang programa ng pederal, pamprobinsya o panteritoryong pamahalaan.



PAANO ka mag-a-apply?

Ang **My Account** ng Canada Revenue Agency (**CRA**) ang magiging pinakamabilis, pinakamadali at pinaka-secure na paraan para mag-apply para sa Benepisyo para sa Ngipin sa Canada. Kung wala kang My Account ng CRA, puwede kang magparehistro sa Canada.ca/my-cra-account o tumawag sa **1-800-715-8836**.

Kakailanganin mong **magbigay ng impormasyon** tungkol sa pagpapatingin para sa pangangalaga sa ngipin, kasama ang pangalan ng (mga) provider ng pangangalaga sa ngipin ng iyong anak at impormasyon ng iyong employer.

Kung mag-a-apply ka online at nag-sign up ka para sa **direct deposit ng CRA**, matatanggap mo ang bayad sa iyo sa loob ng limang araw ng negosyo! Itabi ang mga resibo sa pangangalaga sa ngipin ng iyong anak sa loob ng anim na taon para sa pagkakataon na makipag-ugnayan ang CRA sa iyo para i-validate ang pagiging kwalipikado.

Tiyaking hawak mo ang iyong Social Insurance Number, address, petsa ng kapanganakan at ang kopya ng iyong income tax return mula sa nakalipas na taon.



KAILAN ka puwedeng mag-apply?

Puwede na ngayong mag-apply ang mga magulang para sa pangalawang panahon ng benepisyo para makatulong sa mga gastusin na babayaran mula sa sariling bulsa para sa pangangalaga sa ngipin na natanggap ng kanilang kwalipikadong anak mula Hulyo 1, 2023 hanggang Hunyo 30, 2024.



PAANO kung hindi ako nakakabasa o nagsasalita ng English o French?

Available lang sa English at French ang portal para sa aplikasyon. Gayunpaman, kung kailangan mo ng tulong sa aplikasyon, puwede mong paupuin sa tabi mo ang isang kaibigan na nagsasalita ng English o French habang sinasagutan mo ang aplikasyon, o palapitin siya sa iyo kapag tumawag ka sa **1-800-715-8836**.

Kung wala kang kaibigan na makakatulong sa iyo sa proseso, maghahanap muna ang CRA ng kakausap sa iyo na nagsasalita ng wika mo, at pagkatapos ay tawagan ka nila ulit.

Pumunta sa Canada.ca/dental para sa iba pang impormasyon, o tumawag sa **1-800-715-8836**



Government
of Canada

Gouvernement
du Canada

Canada